

書



春秋屬辭卷之十一

新安趙沅學

辯名實之際第四

二曰辯名實之際正必書王諸侯稱爵大夫稱名氏四夷大者稱子此春秋之名也諸侯不王而伯者與中國無伯而夷狄橫大夫專兵而諸侯散此春秋之實也夫春秋之名實如此將以示後世曰實錄可乎曰實錄且猶不可而況於聖人撥亂以經世之事哉此辯名實所以為春秋之要義也蓋其說有二一曰去名以全實征伐在諸侯則大夫將不稱名氏中國有伯則楚君侵伐不稱君是也一曰去名以責實諸侯無王則正不書王中國無伯則諸侯不序君大夫將略其恒辭則稱人是也此二者實王伯升沉之會國家喪亂之由夷夏盛衰之變天下大勢之所趨而一經之樞要也是以聖人深致意焉

十九 天下無王則桓公春秋闕不書王

桓三年春正月 四年春正月 五年春正月 六年春正月 七年



春二月 八年春正月 十一年春正月 十二年春正月 十三  
年春二月 十四年春正月 十五年春二月 十六年春正月  
十七年春正月

以上桓公春秋正不書王者十有二見天下之無王也春秋始於  
隱公所書皆諸侯首惡之事至桓公隱督弑宋公陳佗殺其太子  
而立鄭突篡其君兄宋鄭之亂諸侯不能討又從而利之然通因  
以僭號於荆則天下之亂已極矣鄭莊不臣繻葛之戰魯而後教  
諸侯不為之變而遂至於無王矣夫天下無王乃伯者之所由興  
也春秋辯名實之際當天下無王之日而且書王正如他時則是  
經為虛文而名實亂矣故於桓公之策略不書王以深絕不臣之  
諸侯於莊僖之編序齊桓伯功而與之以尊王之義其與伯者亦  
所以罪諸侯也然桓文之興雖假尊王以示名義而朝覲獄訟不  
至貢賦不歸諸侯之所以事天子者亦唯弔喪送葬而已於是人

情絕望於周而王風不作自東遷以來天下之勢始一大變矣故  
莊僖崩葬特削而不書與無王之簡隱顯互明此辯名實之先務  
也杜氏不達此義謂由王室不班歷故劉炫規之謂昭公二十二  
年至二十六年王室有子朝之亂天王居于秋泉豈能班歷而正  
必書王已足以破其惑穀梁謂桓公弑君為無王則是一國一  
人之事爾皆不足以知筆削之權其元年十八年皆書王元年  
君之始十八年一君之終嫌以無王之罪蔽於一國也二年書王  
者當宋公之弑嫌以無王之罪蔽於一人也十年書王者當曹伯  
終生之卒嫌使是君不得正其終也然陳侯之卒亦書王者史從  
其再赴以二日繫月如長歷而大衍歷所推一月日不得在二月  
春秋疑以傳疑甲戌己丑未必皆正月之日則隱公卒於三月不為  
質言故不與正也穀梁傳曰桓無王其曰王何也蓋始也二年有  
王曰正與夷之弑也十年有王曰正終生之卒也此說必有所從



受又曰元年有王所以治桓也則與謹始之義不同矣蓋已傳  
學易至失真其桓弟弑兄臣弑君以下云者乃以已見季康  
而妄為之辭

中國無伯則晉靈公之盟會諸侯不序

又七年秋八月公會諸侯晉大夫盟于扈

十五年冬十一月諸侯盟于扈

之盟且謂伐齊也齊人賂晉侯故不  
序而還於是齊難是以公不  
會于扈父遂復合諸侯于扈  
平宋也公不與會且齊難故也

以上伯國盟會不序諸侯者三見中國之無伯也晉襄公之盟公

幼楚人已知北方可圖矣趙盾以大夫會盟諸侯而合四國以救

鄭不及楚師以三國伐宋取賂而還新城之盟諸侯若不能忘晉

者而扈之再盟以昭不克伐齊又再會以定宋文之墓諸侯以為

晉不足與也鄭既受盟于楚而齊晉俱成則中國遂至於無伯矣

夫中國無伯乃楚之所由興也春秋辨名實之際嘗中國無伯之

日而且序晉伯人楚君知他時不幾於名實相亂乎故於靈公之

盟會略諸侯不序以明晉伯中衰而楚自厥貉而後君將皆稱君

以著其亂華之罪其爵楚君者亦所以志無伯也是故王臣自出

以盟諸侯齊商人弑其君執天子之使諸侯恬不為動於是天下

之人皆忘其上而詩盡云自有伯以來中國之勢又一大變而王

室又以無伯而愈卑矣故頃王崩葬亦削而不書與不序諸侯之

簡隱顯互明此辯名實之先務也左氏不達此義於趙盾之盟曰

公後至故不書所會避不敏也凡史有後至不書所會之例者盡

為公後會期不得與其成事故不書所會明不冒其功今書公會

諸侯盟而乃以不序諸侯為避不敏理必不然其曰無能為無功

者義亦未盡唯陳氏謂盟會恒序諸侯於是雖伯主在焉而亦不



征伐在諸侯則君將稱君大夫稱人用衆稱師苟略其恒辭則雖君將稱人稱師一役而再有事稱人稱師以喪行稱人隱四年夏宋公陳侯蔡人衛人伐鄭 秋鞏帥師會宋公陳侯蔡人衛人伐鄭 十一年秋七月壬午公及齊侯鄭伯入許

桓十年冬十二月丙午齊侯衛侯鄭伯來戰于郎 十三年春二月公會紀侯鄭伯已巳及齊侯宋公衛侯燕人戰齊師宋師衛師燕師敗績 十五年冬十一月公會宋公衛侯陳侯于袤伐鄭 十六年夏四月公會宋公衛侯陳侯蔡侯伐鄭

以上君將稱君者七春秋之初諸侯無王合黨為亂也然征伐自諸侯出實由此而始故悉從其恒稱以見實與後中國無伯之事同

僖四年春王正月公會齊侯宋公陳侯衛侯鄭伯許男曹伯侵蔡蔡潰遂伐楚次于陘 六年夏公會齊侯宋公陳侯衛侯曹伯伐鄭鄭新

城 十年夏齊侯許男伐北戎 十五年十一月壬戌晉侯及秦伯戰于韓獲晉侯 十八年春王正月宋公曹伯衛人邾人伐齊 二十二年夏宋公衛侯許男滕子伐鄭 二十三年春齊侯伐宋圍緡 二十八年春晉侯侵曹 晉侯伐衛 三月丙午晉侯入曹 夏四月己巳晉侯齊師宋師秦師及楚人戰于城濮楚師敗績 文元年夏晉侯伐衛 二年春王甲子晉侯及秦師戰于彭衙秦師敗績 四年秋晉侯伐秦

以上君將稱君者十有四九伯主將而稱君者與之以專征討罪中國無伯諸侯將而稱君者詳其自將以見實二者勢分不同故皆從其恒稱而善惡自見所謂不嫌同辭也僖之初年齊君將稱君者三皆桓公攘夷伐叛之事僖之中年晉及秦戰皆稱君惠公背德秦穆責報齊桓不能西略也宋襄既納齊孝圖合諸侯稱君將二齊孝以怨報德稱君將一皆無伯之事自僖末年至文之初



晉稱君將七文公尊王定伯功成一歲中有光齊桓襄公戰伐皆稱君與之以繼伯也靈公不親將而盟會皆不序成公自將伐鄭不書政在大夫也由是觀之則伯主將稱君視諸侯特從其恒稱者文同而義異矣

文十五年冬齊侯侵我西鄙遂伐曹入其郭 十七年夏齊侯伐我西鄙

宣元年秋宋公陳侯衛侯曹伯會晉師于禁林伐鄭 七年夏公會齊侯伐萊 九年夏齊侯伐萊 十四年夏晉侯伐鄭 十八年春晉侯衛世子臧伐齊

成二年春齊侯伐我北鄙 三年春公會晉侯宋公衛侯曹伯伐鄭 四年冬鄭伯伐許 十年夏公會晉侯齊侯宋公衛侯曹伯伐鄭 十三年夏五月公自京師遂會晉侯齊侯宋公衛侯曹伯伐鄭 十六年六月甲午晦晉侯及楚子鄭伯盟

鄆陵楚子鄭師敗績 秋公會尹子晉侯齊國公邾人伐鄭 十七年夏公會尹子單子晉侯齊侯宋公衛侯曹伯邾人伐鄭 冬公會單子晉侯宋公衛侯曹伯齊人邾人伐鄭

襄五年冬公會晉侯宋公衛侯鄭伯曹伯齊世子光救陳 六年十二月齊侯滅萊 九年冬公會晉侯宋公衛侯曹伯莒子邾子滕子薛伯杞伯小邾子齊世子光伐鄭十二月己亥同盟于戲 十年秋公會晉侯宋公衛侯曹伯莒子邾子齊世子光滕子薛伯杞伯小邾子

伐鄭 十一年夏公會晉侯宋公衛侯曹伯齊世子光莒子邾子滕子薛伯杞伯小邾子伐鄭秋七月己未同盟于亳城北 公會晉侯宋公衛侯曹伯齊世子光莒子邾子滕子薛伯杞伯小邾子伐鄭

于蕭魚 十五年夏齊侯伐我北鄙圍成 十六年春晉侯伐我北鄙 夏叔老會鄭伯晉荀偃衛甯殖宋人伐許 秋宋公衛侯我北鄙

圖邠 十七年秋齊侯伐我北鄙圍桃 十八年冬十月公會晉侯



宋公衛侯鄭伯曹伯莒子邾子滕子薛伯杞伯小邾子同圍齊  
十三年秋齊侯伐衛遂伐晉 冬齊侯襲晉

昭六年冬齊侯伐北燕 十六年春齊侯伐徐 十九年春齊侯伐魯  
二十二年春齊侯伐莒

定四年三月公會劉子晉侯宋公蔡侯衛侯陳子鄭伯許男曹伯莒子

邾子頓子胡子滕子薛伯杞伯小邾子齊國夏子召陵侵楚 冬十  
有一月庚午蔡侯以吳子及楚人戰于柏舉楚師敗績 九年秋齊

侯衛侯次于五氏 十二年春齊侯衛侯次于垂葭 十五年夏齊  
侯衛侯次于渠蔭

哀元年秋齊侯衛侯伐晉 五年夏齊侯伐宋 八年春王正月宋公  
入曹以曹伯陽歸 九年秋宋公伐鄭

以上君將稱君者四十三晉君將十六起宣末年至襄之初十四  
皆景厲復伯悼公中興之事自悼而後唯平一國齊乃諸侯同欲

定之侵楚則劉子之爲舍是晉無書君將者矣時征伐自大夫出

已久然宣晉君自將則諸侯皆親以師會過不專在大夫也宣元  
年宋陳衛曹之君會晉師者一明年而趙盾君襄十六年叔老

會鄭伯晉荀偃者一其年平新即位蓋征伐自大夫出晉實爲之  
而以大夫用諸侯則趙盾之無君也舍是諸侯無自將會大夫者

矣齊君將二十三伐魯者七懿二頃一靈四惠伐來者二皆問晉  
之衰欲挾魯以自爲而不事盟主也靈滅萊而不親晉悼之盟會

莊伐衛遂伐晉爲伐盟主之始還遂龍宮景伐燕徐伐莒而不  
會劉子於召陵三次而後書伐晉且伐宋舍齊諸侯無抗晉者矣

成四年一書鄭伯伐許志其反覆平晉楚之間也昭十九年宋公  
伐邾討其入郟也入曹伐鄭而春秋終焉志中國無伯諸侯自相

吞滅也舍宋鄭諸侯無書專伐者矣孔子曰征伐自諸侯出十世  
希不失矣此春秋君將書君之義也



隱二年冬鄭人伐衛 五年秋邾人鄭人伐宋 冬宋人伐鄭圍長葛  
十年秋宋人衛人入鄭 宋人蔡人衛人伐戴鄭伯伐取之 冬  
十月壬午齊人鄭人入郟

桓五年秋蔡人衛人陳人從王伐鄭 十四年冬宋人以齊人蔡人衛  
人陳人伐鄭 十七年秋及宋人衛人伐邾

莊十三年夏六月齊人滅遂 十四年春齊人陳人曹人伐宋 十五  
年秋宋人齊人邾人伐郟 鄭人侵宋 十六年夏宋人齊人衛人  
伐鄭 十九年冬齊人宋人陳人伐我西鄙 二十年冬齊人伐我

二十六年秋公會宋人齊人伐徐 二十八年秋公會齊人宋人  
救鄭 二十九年夏鄭人侵許 三十年冬齊人伐山戎

僖四年冬十二月公孫茲帥師會齊人宋人衛人鄭人許人曹人侵陳  
七年春齊人伐鄭 十五年冬宋人伐曹 十七年春齊人徐人

伐英氏 十九年秋宋人曹人衛人伐邾 衛人伐邾  
宋公圖非 衛人伐邾

二十年夏鄭人入滑 傳曰鄭公子士洩堵寇帥師入滑陳氏曰  
見入書人非也未書大夫將不得有異旨

二十六年春齊人侵我西鄙 夏衛人伐齊 三十二年夏衛人  
侵狄 三十三年春王三月秦人入滑 陳氏曰孟明視書人秦未有  
大夫說誤秦征伐不出大夫

冬晉人陳人鄭人伐許  
文元年夏衛人伐晉 傳衛孔達 帥師伐晉 二年冬晉人宋人陳人鄭人伐秦 晉先且居 小公子 陳轅選 鄭公子 歸生 伐秦 陳氏曰晉卿不  
書以秦伯在師蓋備左氏之失經未書大夫將不得有異旨 三

年春王正月叔孫得臣會晉人宋人陳人衛人鄭人伐沈沈潰  
五年秋衛師入郟

七年丙午及齊師戰于奚  
莊元年冬齊師伐衛 二年春王正月溺會齊師伐衛 八年

夏師敗績 十年夏齊師宋師次于郎 為下 冬十月齊師滅譚  
九年八月庚申及齊師戰于

十四年春齊師宋師曹師次于首領北救邢 為朝廟 告朔月 夏齊師宋師曹師



城邢 二年夏虜師晉師滅下陽傳晉里克荀息帥會虞師以滅虜

十五年秋七月齊師曹師伐厲 十八年五月戊寅宋師及齊師戰于鹹齊師敗績

二十八年夏四月己巳晉侯齊師宋師秦師及楚人戰于城濮傳夏四月戊辰晉侯宋公齊國歸父

公以下皆以師屬晉不與戰陳氏曰三國之君大夫但書師始伯之

公明矣但謂齊秦皆以師屬晉則不可時征伐不出大夫齊卿秦公

子不書將則亦當舉師為重杜蓋不知此義陳氏又循左氏專書侯

其本旨

又二年春王二月甲子晉侯及秦師戰于彭衙傳秦孟明視帥師

以上征伐稱人者三十五稱師者十四皆文以前征伐不自大夫

出之事莒邾而下不入例凡敗例言師小國不入例公羊傳曰將

尊師衆稱其帥師將尊師少稱將將卑師衆稱師將卑師少稱人

君將不言帥師書其重者此史例也將尊謂大夫而為卿者將卑

謂非卿者傳或謂之微者筆削之旨文以前征伐自諸侯出則雖

卿將稱人與將卑師少者同雖卿帥重師但稱師與將卑師衆者

同蓋征伐之權尚在諸侯則大夫皆奉君命以行得失在其君而

大夫之尊卑不足辯也左氏考史牘征伐卿大夫有名氏而經但

書人者悉錄其名氏不為無所見而未達筆削微旨至永嘉陳氏

始發不傳之秘而侵伐圍滅異說以礪裂其義則又失之僖以前

經無書名者故傳不復詳亦或有不得名氏者然魯以卿會者則

外應是卿蓋事有輕重而大夫之會必以其班非有故不得以微

者往其以微者會則大國大夫下於次國之卿若溫之盟齊人序

鄭人下是也次國大夫下於小國之卿邾人鄭人伐宋是也陳氏

謂微者皆不書有所重則書於是得有得書人之義愈失之矣凡先

儒謂小國主兵序大國之上者非莒邾而下大夫微不復序

莊三十八年春王三月甲寅齊人伐衛衛人及齊人戰衛人敗績

衛戰敗衛師數之以王命取賂而獲陳氏曰傳見齊侯書人



傳三年秋晉人秦人圍鄭傳九月甲午晉侯秦伯圍鄭以其無禮於晉且貳於楚也

以上伯主將稱人者二秦君將稱人者一齊晉之伯其君將稱人

者皆與之也是故苟失伯討之義則奪其桓稱衛人立子頑有

篡之罪齊桓以王命伐衛取賂而還晉文與秦穆同圍鄭於既

之後秦伯復叛晉而戍鄭二事皆非伯討故雖桓文自將亦稱人

皆奪其桓稱以見義也秦伯稱人雖若兩譏之自與後秦君稱人

一也義與伯主不同

文三年夏秦人伐晉傳秦伯伐晉濟河焚舟取王官及郊晉人不出七年夏四月戊子晉

及秦人戰于令狐傳秦康公逆公子雍于晉宣子與諸大夫皆患魯秦師于令狐陳氏曰傳

秦師于令狐陳氏曰傳秦師于令狐陳氏曰傳十有二年十有二月戊午晉人秦人戰于

河曲傳秦為令狐之役故冬秦伯伐晉取羈馬晉人禦之秦軍掩晉上軍乃皆出戰交綏秦師夜遁復侵晉入瑯

宣十五年夏秦人伐晉傳秋七月秦桓公伐晉於于輔氏按是年夏

有誤

以上秦君將稱人者四秦穆公既倍晉而戍鄭又將因戍人以

鄭其心事如此使秦得志於中國其禍豈減於楚哉喪師于殺雖

嘗悔過自誓而終不能自克既歸關克使求成于楚又以忿兵敗

績于彭衙令狐之役曲雖在晉然夫人大子猶在而外求君康公

無先見之明以敗其眾而報怨不已蓋自穆至景連兵於晉者四

世而楚世昏于秦矣故秦晉連兵晉君將桓稱爵而秦君自將五

四稱人一但稱國以其始於倍盟以賊中國中亟於報怨而卒自

附於夷狄以為中國之罪人春秋既以繼伯討罪之義與晉襄則

秦君不得稱君以敵伯主明王者之政當出於一所以渙群疑而

尊王室也其稱人之義與楚君同而又非中國諸侯之比矣胡氏

乃謂聖人以常情待晉襄以王事責秦穆豈經世之義乎春秋之

未多流俗之論左氏不能辯其弊至今猶在所謂尊穆公者亦其



僖二十六年夏齊人伐我北鄙傳齊孝公伐我北鄙云使慶喜

襄十八年秋齊師伐我北鄙傳齊侯未入竟展喜從之乃還

以上齊君將稱人者一稱師者一齊孝公伐魯以魯人稱師故未

入竟而去公子遂已如楚乞師伐齊取穀魯為已甚矣故雖君將

但稱人為用楚師言故而已齊靈間晉悼之卒倍盟伐魯者四皆

稱爵以見實至是又伐魯卒致十二國同圍齊之禍故雖君將但

稱師為書同圍言故而已一以用楚師報伐見義一以十二國同

圍見義則其自將之罪不足詳矣

隱十年春王二月公會齊侯鄭伯于中丘夏鞏帥師會齊人鄭人伐宋

傳五月羽父先會齊侯鄭伯伐宋

桓十二年冬十一月丙戌公會鄭伯盟于武父十二月及鄭師伐宋

未戰于宋傳與鄭伯盟于武父遂帥師而伐宋

僖十八年春王正月宋公曹伯衛人邾人伐齊五月戊寅宋師及齊師

戰于虧

以上一役再有事君將稱人者一稱師者二欲明二事為一役故

先詳後略因上文以見之而義愈明內事蒙上文不書公同法

陳氏乃以再見稱人為賤借令不再見則遂無與乎諸敗例皆抵

牾不通本非春秋之旨故也其以內詳而稱人者已見前篇

僖三十三年夏四月辛巳晉人及姜戎敗秦師于穀傳曰秦孟明視西

及滑知鄭有備滅滑而還晉先軫曰秦不哀吾喪而伐吾

同姓發命遽興姜戎于墨衰經四月辛巳敗秦師于穀

敗狄于箕傳曰狄伐晉八月戊子晉侯敗狄于箕

以上未踰年君將稱人者二嗣君未踰年稱子出從也

以師行者稱爵從史文以見其罪也若夫方伯連率則討亂則

魯公伯禽嘗行之矣君子以其不以私憂廢王事為也故

晉襄公衰經行師聖人以其與得已不已者不同也

在稱君也陳氏知二傳釋殯之議為非而又以稱君為是則

春秋左傳卷十一



習於變禮之由而於當時事體有不察者曰城濮而後是人怙息  
中國少寧而秦穆首為亂階繼而弗討同盟之國何所賴乎陸氏  
曰晉為盟主諸侯服之久矣夫宋哀其喪而晉其同姓若不能救  
則先公之業墜矣故聖人為之諱許其以權變晉自公之大夫之孝  
也其論伯者繼述之義諸家所不及然以稱人為諱則公之事  
初不必諱但不使與得已不已者同稱所以別於明微也言救  
見義而已敗狄稱人雖葬未二年義與上同而陳氏又以為義有  
如不能敗之則將何以為稱乎

**四** 征伐在大夫則大夫將書大夫微者稱人用衆稱帥苟略其  
恒稱則雖大夫將稱人稱帥

十三年冬晉陽處父帥師伐楚以救江 十五年夏晉郤缺帥師伐秦  
戊申入蔡

宣元年秋晉趙盾帥師救陳 冬晉趙穿帥師侵崇 六年春晉趙盾

衛孫免侵陳 九年秋晉荀林父帥師伐陳 冬晉郤缺帥師救鄭

十二年夏六月乙卯晉荀林父帥師及楚子戰于邲

成二年六月癸酉季孫行父臧孫許叔孫僑如公孫嬰齊帥師會晉郤

克衛孫良夫曹公子首及齊侯戰于鞌 三年秋晉郤克衛孫良夫

伐廬咎如 六年冬晉欒書帥師救鄭 八年春晉欒書帥師侵蔡

冬叔孫僑如會晉士燮齊人邾人伐鄭 九年秋晉欒書帥師伐

鄭

襄元年春仲孫蔑會晉欒黶宋華元衛甯殖曹人莒人邾人滕人薛人

圍宋彭城 夏晉韓厥帥師伐鄭 三年冬晉荀躒帥師伐許 十

六年夏叔老會鄭伯晉荀偃衛甯殖宋人伐許 十九年秋晉士匄

帥師侵齊至穀聞齊侯卒乃還

昭元年夏晉荀吳帥師敗狄于大鹵 十五年秋晉荀吳帥師伐鮮虞

十七年八月晉荀吳帥師滅陸渾之戎



定四年秋晉士鞅衛孔圉帥師伐鮮虞 五年冬晉士鞅帥師圍鮮虞

八年秋晉士鞅帥師侵鄭遂侵衛 十年夏晉趙鞅帥師圍衛

哀二年夏晉趙鞅帥師納衛世子蒯聩于戚 秋八月甲戌晉趙鞅帥

師及鄭罕達帥師戰于鐵 五年夏晉趙鞅帥師伐衛 六年春晉

趙鞅帥師伐鮮虞 七年春晉魏曼多帥師侵衛 十年夏晉趙鞅

帥師侵齊 十三年秋晉魏曼多帥師侵衛

以上晉大夫將書大夫者三十三皆文以後征伐自大夫出之事

晉至襄公之末大夫已專陽處父為大傅盟魯侯以王叔桓公伐

楚改蒐于董易中軍其汰已甚卒取殺身之禍故經沒桓公而書

大夫帥師於是始趙盾衰之子也立靈公再專合諸侯屢至兵征

伐卒將趙穿以陷於篡弑之罪又立成公而相之晉不競者再世

而六卿之禍遂成卻缺芮之子也傳克而益專至錡至驪而敗荀

林父孫偃庚之子也與欒書同弑厲公傳吳至寅而敗荀偃首之

子也傳盈與

瑤而敗荀首君林父弟林父之後世襲中行故

稱中行氏首分族稱知氏欒書盾之子也傳厲室盈而敗士燮會

之子也傳荀與鞅至吉射而敗韓厥之子起起孫不信魏曼多舒

之孫也趙氏再起至鞅而復彊三家相結以傾范中行氏卒滅知

氏三分晉地而自列為諸侯凡皆世卿之效也孔子曰禮樂征伐

自大夫出五世希不失矣此春秋大夫將書大夫之義也然襄以

前大夫將有書人以見義者自昭而後大夫將皆從其恒稱何也

無入見義者以大夫征伐猶有關天下之故也春秋為天下作非

有關於天下之故奚議焉自昭而後晉人志不在諸侯而盡力於

群狄伐鮮虞滅陸渾利其俘獲爾齊衛鄭鮮虞助范中行以抗趙

韓魏氏故趙鞅納蒯聩戰鄭罕達侵齊伐衛伐鮮虞魏曼多侵衛

皆從其恒稱志彊家之亂而已

襄元年夏仲孫蔑會齊崔杼曹人邾人杞人次于郟 十七年秋高厚



帥師伐我北鄙圍防 二十四年秋齊崔杼帥師伐莒 二十五年  
春齊崔杼帥師伐我北鄙

昭十二年春齊高偃帥師納北燕伯于陽 十九年秋齊高發帥師伐  
莒

定七年秋齊國夏帥師伐我西鄙 八年夏齊國夏帥師伐我西鄙

哀三年春齊國夏衛石曼姑帥師圍戚 十一年春齊國書帥師伐我

以上齊大夫將書大夫者十其事獨在襄公中歲以後齊自國高  
以天子命卿為桓公內主子孫世執其政然自孝而下多彊君厥  
福自己出至靈公間晉伐魯而高厚始書帥師又廢太子光而使  
厚傅牙以為太子及程杼立莊公厚以從君於昏見殺杼既專國  
弑君而卒以家禍覆其宗出慶封放高止公族猶有人焉其後陳  
氏以厚施得民景公君臣知其必有齊國而莫如之何國高之後  
猶以世卿帥師而齊人再世弑君不能討至國夏高張乃見逐書

以後為陳氏役而已

宣二年春王二月壬子宋華元帥師及鄭公子歸生帥師戰于大棘宋  
師敗績獲宋華元

哀三年夏宋樂髡帥師伐曹 六年冬宋向巢帥師伐曹 七年春宋

皇瑗帥師侵鄭 九年春宋皇瑗帥師取鄭師于雍丘 十二年秋

宋向巢帥師伐鄭

以上宋大夫將書大夫者六宋卿皆公族也昭公之弑華氏與焉  
華元為右師以相文公出魚氏殺楚使者幾亡國然國於晉楚之  
間衛鄭交侵而不私圖報復以聽於伯主既又以善於晉楚大夫  
克合南北之成以向戌為左師而向戌亦以善於晉楚大夫挾強  
兵之說成宋之盟故宋大夫書帥師自華元始而歷四世無書大  
夫將者蓋晉人欲以偏陽封向戌能讓歸其君既而以弭兵善  
賞公與之邑司城子罕削而投之向氏欲攻司城左師曰我將云



夫子生我則三子者之從政亦有異於專兵以徼利弱公室而自封者焉至樂毅向巢白王瑗始滅曹與鄭連兵無虛歲然巢既以弟

成二年夏四月丙戌衛孫良夫帥師及齊師戰于新築 六年春衛孫

良夫帥師侵宋 傳三月晉伯宗夏陽說衛孫良夫竊相鄭人伊維之戎陸渾蠻氏侵宋 十年春衛侯

之弟黑背帥師侵鄭 十七年春衛北宮括帥師侵鄭

襄二年夏晉師宋師衛甯殖侵鄭 十七年夏衛石買帥師伐曹 十

九年夏衛孫林父帥師伐齊

定四年秋晉士鞅衛孔圉帥師伐鮮虞 十二年夏衛公孟彊帥師伐

曹 十三年夏衛公孟彊帥師伐曹

哀三年春齊國夏衛石曼姑帥師圍戚

以上衛大夫將書之夫者十一其以會伐再見者已具晉大夫類

中當晉襄之伯孔達以國故干晉以見討晉人良而免之既又背

盟救陳見殺孫免會趙盾所帥師少故不言帥師良夫世為卿子林父與甯殖出其君而立剽而黑背之子也殖子喜又弑其所事之君而納故君卒以見殺林父入于戚以叛北宮結以公叔戌之

黨遂公孟彊以崩贖之黨遂孔圉取崩贖之姊生懼崩贖因孔姬以劫懼而復國懼亦卒遂石買背盟伐魯見執伯主曼姑為輒拒

父皆無足道者觀延陵季子與孔子之言則衛之末世猶有人焉故雖靈公無道而禍不出於世卿云

定四年夏四月庚辰蔡公孫姓帥師滅沈以沈子嘉歸殺之 十四年

二月辛巳楚公子結陳公孫佗人帥師滅頓以頓子牂歸

以上陳蔡大夫將書大夫者各一陳蔡國小而役於楚無大國世卿之禍政在公族故二公孫以帥師書然二國之為惡者非公子則公孫也

宣二年春王二月壬子宋華元帥師及鄭公子歸生帥師戰于大棘



成三年夏鄭公子去疾帥師伐許 十四年秋鄭公子喜帥師伐許  
十六年夏鄭公子喜帥師侵宋

襄十一年夏鄭公孫舍之帥師侵宋 二十五年六月壬子鄭公孫舍  
之帥師入陳 冬鄭公孫夏帥師伐陳

定六年春王正月癸亥鄭游速帥師滅許以許男斯歸 十五年夏鄭  
罕達帥師伐宋

哀二年秋八月甲戌晉趙鞅帥師及鄭罕達帥師戰于鐵 七年冬鄭  
駟弘帥師救曹 十三年春鄭罕達帥師取宋師于岳

以上鄭大夫將書大夫者十有二鄭在春秋為次國自僖宣以後  
無復異姓之卿公子歸生受命于楚以伐宋敗宋師獲華元而卒  
以首惡書其後鄭人討幽公之亂鄭子家之詰逐其族而穆氏大  
興于鄭傳記穆公之子十一人其為卿者九人去疾字子良能不  
受國而讓歸其兄其伐許也楚人以為討而鄭伯替楚歸晉遂世

子去疾字子良實而敗是為良氏喜字子罕字豐

子舍之孫罕虎皆賢是為罕氏駟字子駒當

以伐許人盡力於鄭楚不敢爭而後固與晉然上弒其君而下侵

其國人卒其身以及二卿子夏孫偃是為駟氏發字子國與於

子之難子備孫參是為國氏偃字子游子豐孫吉是為游氏嘉

字子孔知子駒之難而不告又將難晉而起楚師以去諸大夫子

侯子庚當國即能立以為卿而子皮卒後之政當晉六卿擅國魯  
三家不臣齊崔慶顛覆楚人肆暴陳蔡危三之餘鄭獨隱然其間  
以禮自持內無世卿之禍外免大國之侮則子產之功也然則子  
展子皮皆恭敏文伸遠矣至罕達復備宋怨而駟弘救曹無功則  
鄭亦衰焉此外唯曹公子首以筆之戰書小國無疆家不復序



文五年夏齊人入郕 十五年秋齊人侵我西鄙

宣元年冬齊人伐魯 九年冬宋人圍滕 十二年冬衛人救陳

成九年冬齊人自狄伐晉 鄭人圍許 十二年秋晉人敗狄于交剛

襄四年冬齊人圍頓 十一年冬秦人伐晉

宣三年春宋師伐晉 三年秋宋師圍曹 八年夏晉師自狄伐秦

十二年夏宋師伐陳 十二年冬宋師伐陳 十三年春齊師伐

夏晉師宋師衛師殽殖侵鄭

征伐人者十稱師者八皆文以後征伐自大夫出時事左

名氏以其皆微者不復詳亦或有不得其名氏者春秋之

之微者師亦少觀魯自三家專兵而後無微者將與此所序

則可知矣晉悼公卒而後大夫將皆從其恒稱故以後微者之師

不復辨

文七年夏四月戊子晉人及秦人戰于令狐 九年春公子遂會晉人宋人衛人許人於鄭

子遂會晉趙盾宋華耦衛甯 十四年秋晉人納捷菑于鄭 弗克

傳趙盾以諸侯之師 一七年春晉人納捷菑于鄭 弗克

八百乘納捷菑于鄭 一七年春晉人納捷菑于鄭 弗克

孔慶陳公孫寧鄭石楚伐宋許 曰何故弑君猶立文公而

宣二年夏晉人宋人衛人陳人侵鄭 傳趙盾救焦遂自陰

人宋人衛人曹人伐鄭 傳趙盾之師伐鄭取成而還按志

國皆微者會兵之事鄭亦必不與微 十五年六月癸卯晉師

狄潞氏以潞子嬰兒歸 傳晉荀息父敗赤狄 十六年春三月

人滅赤狄甲氏及留吁 傳晉士會帥師滅赤 狄甲氏及留吁

襄十年夏晉師伐秦 報其侵也 以上晉大夫將書人者二稱師者二晉大夫與諸侯之大夫



人者四九大夫將稱大夫者征伐自大夫出也苟動不以正與不  
 堪其事則又奪其恒稱趙盾專國立君不審為令狐之役以再走  
 秦怨興兵以納不正見辭於邾人荀林父之會當宋告急是楚不  
 能救而甘心於群狄晉楚方爭鄭不能釋秦以軍事於楚荀林父  
 秦徒曰報其侵而已此皆所謂動不以正也則奪其恒稱固宜然  
 趙盾孫免侵陳書名氏而救鄭伐宋侵鄭伐鄭九四八舉皆書人  
 者陳侯既同新城之盟楚子侵陳趙盾救之而陳又叛晉從楚則  
 侵之得討貳之宜也趙盾將五國之眾救鄭而不及楚師宋人武  
 君林父與諸侯之大夫伐宋猶立文公而還鄭伯曰晉不足與也  
 遂受盟于楚於是趙盾又以諸侯之師侵鄭遇楚師於遠鄭伯既會  
 晉侯于黑壤于遠楚子伐鄭而晉卻缺救鄭鄭伯亦敗楚師于柳  
 勞鄭之從晉非不與也晉雖得鄭而終不能服於鄭也當楚  
 之驟伐也

不足恃也於是晉又以諸侯伐鄭取成而還明年楚子陳侯鄭伯  
 盟于辰陵又明年楚子入陳又明年楚子圍鄭而荀林父喪師于  
 邲故是四役皆稱人惡其以大夫而專伯討既不能以信義屬諸  
 侯又不能以武力震楚而徒為是紛爭也

襄八年夏鄭人侵蔡獲蔡公子燮傳鄭子國子耳侵蔡獲蔡司馬公子燮五月會于邲丘十四

年夏叔孫豹會晉荀偃齊人宋人衛北宮括鄭公孫暉曹人莒人邾

人滕人薛人杞人小邾人伐秦為下事月傳諸侯大夫從晉伐秦

卿帥諸侯之師以進及澠不濟叔向見叔孫穆子穆子賦苑有言秦叔向退而具舟魯人莒人先濟鄭子驥備北宮懿子見諸侯師而勸之濟濟溼而次子驥帥師以進師皆從之至鹹林不獲成焉荀偃令曰雞鳴而駕塞井夷離唯余馬首是瞻樂慶曰晉國之命未有是也余馬首欲東乃歸小軍從之乃命大還晉人謂之遷延之役秦師曰此役也報秦之怨也役又無功晉之恥也吾有二位於秦不取乎與士鞅馳秦師死焉於是齊崔杼宋華閱仲江會也秦不書也向之會亦如之備北宮括不書於向書於伐秦攝地十九年四月丁未鄭公孫曼卒晉侯以其善於伐秦也請於王追賜之大路使以行

以上鄭大夫將稱人者一諸侯之大夫會伐而齊宋大夫特稱人



者一鄭大夫將於他役或從晉或從楚皆從其恒稱而侵蔡獨稱人者鄭反覆於晉楚之間久矣事之善惡不待變文而見故大夫將皆從其恒稱於是僖公如會公子驪道弒君而立簡公生五年矣公子發又為之侵蔡而奉其幼君以獻捷于會將以誅晉而免鄭於討也悼公果實其罪不問是歲楚人伐鄭于駟子國又定畫從楚蓋中國之勢苟未得鄭則未可以圖蔡鄭人內懷反覆而侵蔡以欺盟主故晉卒歸公子燮于蔡而春秋於鄭大夫獨奪其恒稱伐秦之役晉衛鄭大夫皆從其恒稱而齊宋大夫稱人者傳以為齊宋大夫不進師也是年春會吳于向齊宋衛大夫皆稱人一役之中而有與奪以悼公之情也抑中國之不競諸侯亦有罪焉自令狐以來晉與秦交兵大夫將皆稱人而荀偃獨從其恒稱者悼公以諸侯之師伐秦庶幾能張中國之勢討秦人黨楚之罪而齊宋大夫不進師則悼公之令外不行於列國矣荀偃欲進而蔡

厲先歸則悼公之令內不行於臣子矣故荀偃得從其恒稱譏不在荀偃也諸侯大夫知有伯之無益於己而不知無伯之禍又有甚焉故情慢不攝如此譏不徒在晉也自伐秦而後大夫將無異辭苟無中國之志則不足議也晉襄公卒而楚君將稱君伯業之偏安也悼公卒而大夫將皆從其恒稱則春秋治在夷狄矣

昭二十三年春晉人圍郊

以上晉大夫將稱人者一大夫將從其恒稱久矣此籍諫荀躒也其復書人何也晉悼公卒而大夫將皆從其恒稱者苟非伯者之事則其名實不足辯也若夫諸侯實力王室乃臣子之分所當為不唯責在伯者以晉大夫怠於勤王而從其恒稱是君臣大義以無伯而廢天理民彝以無伯而泯也故特變而稱人明晉雖失伯而王室在難乃諸侯所當勤有不可一日緩者又一義也齊陳恒弒其君孔子沐浴而朝告於哀公請討之曰以吾從大夫之後不



敢不言時夫子方脩春秋而不忘討賊如此則其制作之意豈徒曰辯伯者之功過以示後世而已哉晉人怠於勤王事已見第二篇

征伐君大夫將稱人不足以盡意則但稱國

文十年夏秦伐晉

成三年冬鄭伐許

昭十二年冬晉伐鮮虞

以上君大夫將稱國以伐者三凡夷狄舉號君臣同辭如我狄於越淮夷是也若荆吳與徐則本非夷狄荆吳既僭王猶夏而徐之先亦嘗僭王故春秋於此三國者皆以號舉穀梁傳釋荆曰狄之則徐吳從可知也然此猶史例也若傳於晉伐鮮虞亦曰狄之而何氏范氏陳氏因推以釋秦伐晉鄭伐許則非復史例矣蓋君大夫將稱人者變文以示義也其或稱人不足以盡意則但稱國以

異之辭愈略者義愈深也然既同於舉號則亦豈諸侯中國之恒稱哉秦嘗再納晉君城濮程泉小子愆皆在焉不為無功於中國而穆公叛晉以襲鄭敗殺彭衙而秦不自反連兵報復者再世終春秋秦為楚役卒使楚人得志於中國故春秋晉侯伐秦稱爵而秦伯伐晉皆稱人令狐而後秦晉交兵不悉言而秦伯伐晉但書秦杜而絕之同於夷狄而已自晉楚爭鄭鄭為兵無虛歲展陵竊盟于楚而又微事于晉既從楚以拒晉又一歲中再伐許以怒楚其反覆卑晉楚之間誠狄道也故再伐許稱國言非復中國諸侯也晉雖不競猶稱盟主楚合諸侯于中伐吳滅陳誘秦侯般殺之滅蔡而晉人方以詐滅肥伐鮮虞甘心於群狄故伐鮮虞稱國責其棄中國於楚聽其吞滅非復諸侯之盟主也是皆重削之言也蓋狄秦則諸侯之從楚者絕意於中國矣狄鄭則諸侯之反覆平晉楚之間者不足賴矣至於狄晉則天下諸侯皆楚之從而晉



之為盟主也未矣此春秋所以治在夷狄也

外盟會恒稱君大夫微者稱人內微者但稱會苟奪其恒稱

則外君大夫俱稱人內稱會同微者一役再有事稱人

僖二年秋九月齊侯宋公江人黃人盟于貫

莊十五年春齊侯宋公陳侯衛侯鄭伯會于郵

僖三年秋齊侯宋公江人黃人會于陽穀

宣九年秋晉侯宋公衛侯鄭伯曹伯會于扈

僖二十一年秋宋公楚子陳侯蔡侯鄭伯許男曹伯會于孟

以上伯主之盟一會三宋楚之會一皆從其恒稱九盟會君大夫

夫在焉者皆序見第一篇外離盟參盟序見第二篇楚主盟會序

見下篇君稱爵大夫稱名氏微者稱人內微者但稱會皆從主

之辭此不重序

僖十九年冬會陳人蔡人楚人鄭人盟于齊公作公會趙氏以為

公諸脩好於諸侯以無忘齊桓之往而不宣公會盟于齊雖齊桓盛時亦無諸侯會盟于齊之事况魯有救四公子之難然孝公世傳公未嘗如齊其後卒為仇敵則此盟非公親往可知楚魯大難未嘗與中國會盟觀蜀之盟楚嬰齊秦說序宋陳衛鄭上則其早諸侯可見其會必不肯序陳蔡大夫下此蓋陳蔡皆魯而楚以魯者往會故楚序陳蔡之下鄭又序楚下如蜀之盟齊大夫序齊下皆非也此內稱會為微者無疑二十一年春宋人齊人楚人盟于鹿上宋齊皆稱

成二年十一月丙申公及楚人秦人宋人陳人衛人鄭人齊人曹人邾人薛人鄆人盟于蜀公及楚公子嬰齊蔡侯許男秦右大夫說宋

之大夫盟于蜀於是乎畏晉而竊與楚盟蔡侯許男不書更楚車也謂之失位

以上列國大夫與楚人盟書人者三自齊桓公卒宋襄暴虐陳穆

公請脩好於諸侯以無忘齊桓之德初以諸侯大夫會盟而楚人

得與中國盟會於是始宋襄又不度德量力求諸侯於楚而為鹿

上之盟至有孟之執辱泓之敗績於是魯挾楚以抗齊為東諸侯

事楚之始陽橋之役納賂請平公會楚公子盟于齊及十一國之大

夫盟于蜀則夷夏之分蕩然矣故三盟列國大夫皆奪其恒稱責



其隨中國之大義也內不諱公者陽橋之役由魯致之公親會嬰  
齊而即魯地為盟事不可諱而亦與內惡私恥不同故不沒公以  
見實也至晉楚為宋之盟以南北諸侯交相見乃從其恒稱者聖  
人不以空言作經其有辯於名實之際蓋將以正名而責實也齊  
與麇上召陵之威列宋泝蜀之盟雖曰東方諸侯皆在而猶有晉  
也故晉奪其恒稱以示義晉悼公卒齊始叛晉晉知不競於楚而  
邊以諸侯與之則春秋將何所辯乎故晉楚之盟會大夫亦從其  
恒稱以見實而已

僖二十九年夏六月會王人晉人宋人齊人陳人蔡人秦人盟于翟泉

傳公會王子虎晉孤偃宋公孫固齊國歸父陳轅濤塗秦小子憖盟于翟泉

莊十三年春齊侯宋人陳人蔡人邾人會于北杏

襄八年夏季孫宿會晉侯邾伯齊人宋人衛人邾人于邢丘傳五月甲辰會于邢丘

丘以命朝聘之禮也孫宿之大夫聽命季孫宿與齊高厚宋向成衛甯殖邾大夫合之鄭伯戲捷于會故規聽命

以上列國大夫盟王子稱人者一會伯王稱人者二禮卿不會公  
侯豈有列國大夫上盟王子之理翟泉之盟下陵上替之始也故  
王子與大夫皆變文稱人以尊王室而沒公不書凡大夫會諸侯  
經皆直書而失自見北杏邢丘會列國大夫以聽政乃伯主之所  
得行故大夫稱人以尊伯主經所以獎成伯功也傳曰大夫不書  
尊晉侯也北杏傳不得大夫名氏故於邢丘發例陳氏解會盟于  
幽為齊初主盟不言公與奪不一以經傳事理考之非是

宣十二年冬晉人宋人衛人曹人同盟于清丘傳晉原穀宋華叔齊孔

恤病討貳於是卿不書不實其言也宋為盟故伐陳衛人救之

襄十四年春王正月季孫宿叔老會晉士匄齊人宋人衛人鄭公孫

曹人莒人邾人滕人薛人杞人小邾人會吳子向傳會于向為吳書

齊人莒人邾人滕人薛人杞人小邾人會吳子向傳會于向為吳書

宋人曹人于澶淵傳衛人侵戚東鄙孫氏愆于晉晉為孫氏故召諸侯六月公會晉趙武宋向成鄭良霄曹人于澶淵



以討衛三十年冬晉人齊人宋人衛人鄭人曹人莒人邾人滕人

薛人杞人小邾人會于澶淵宋災故傳曰為宋災故諸侯之大夫會

晉通武齊公孫黃宋向戌衛比官仲鄭平處及小邾之大夫會于澶淵既而無歸於宋

以上大夫同盟稱人者一會而有稱大夫有稱人者二會而稱人

者一清丘同盟晉以原穀主之而衛人背盟救陳大夫不足主

侯明矣澶淵之會謀歸宋財既而無歸合諸侯以行私惠而又不

踐其言非盟主之道也故皆奪其恒辭稱人叔孫豹會不書陳氏

曰譏不在魯也向之會齊宋衛大夫以惰慢不攝稱人澶淵之會

以鄭不助叛臣故良霄獨從其恒稱與奪之義著矣自昭公而後

大夫之會皆從其恒稱不足議也楚圍尋宋之盟于號合十有一

國于申伐吳執齊慶封遂滅賴滅陳執陳公子招殺陳孔奭誘蔡

侯般殺之圍蔡滅蔡而晉合八國于厥憇不能救蔡合十國于黃

父不能勤王合六國于扈不能納魯昭公春秋治在夷狄而晉之

君卿不足議則從其恒稱可也

桓十年冬十二月丙午齊侯衛侯鄭伯來戰于郎十一年春正月齊

人衛人鄭人盟于惡曹

以上一役再有事前稱君後稱人者一戰稱君盟稱人者前書來

戰則其罪已著矣欲明二事為一役故蒙上文略稱人以見之也

陳氏曰此戰郎諸侯也凡一役而再見者但人之略之也



春秋屬辭卷之十二

新安趙訪學

謹華夷之辯第五

三曰謹華夷之辯中國之視夷狄猶天地冠履也而又何謹焉信大義於天下也孔子曰管仲相桓公霸諸侯一匡天下民到于今受其賜微管仲吾其被髮左衽矣此春秋外夷狄之義也然自晉伯中衰楚君將皆稱君其大夫將皆稱大夫疑於中國矣入陳圍鄭平宋而晉人以為天方授楚不可與爭盟于蜀而東方諸侯莫敢不至盟于宋而南北之勢成諸侯交相見矣申之會十有一國宋世子與淮夷俱繼小國之君於是伐吳滅陳滅蔡皆假討賊之義以號於天下俄而復陳與蔡天下知有楚而已是故終春秋書楚事無一不致其嚴者所以信大義於天下也以此坊民後世猶有謂春秋與楚以伯者則先王經世之略不明久矣蓋楚至東周始彊於四夷僭王其國志吞中夏故伯者之得以此標為功世雖無桓文而中國之大義不可一日而不信也凡春秋書



楚事與中國異辭者悉著草篇而吳越與徐以類見焉

荆始伐中國以號舉

楚生秋九月荆敗蔡師于莘以蔡侯獻舞歸傳蔡侯使歸蔡文王曰

之楚子從之十四年秋七月荆入蔡傳蔡侯為楚故歸息歸以歸

息歸歸生堵敖及成王焉未言曰吾一婦人而十六年秋荆伐鄭

事二夫其又奚言楚子以蔡侯滅息遂伐蔡傳蔡侯令子元以車六

傳蔡伯自蔡入號告于楚秋楚伐鄭及櫟二十八年秋荆伐鄭傳楚令子元以車六

不書人楚未有大夫也以上楚君大夫將同稱荆者四楚自武王熊通僭王猾夏吞滅漢

陽諸姬子文王熊資莊四年立滅鄧滅息魯史不書無告命也敗

蔡入蔡再伐鄭皆以號舉君臣同辭與於越戎狄等不得比中國

大夫將稱人此中國夷狄之常分而策書之舊章也故程伯子曰

春秋謹華夷之辯

中國有伯楚君大夫將同稱人唯會得稱君

僖元年秋楚人伐鄭傳鄭即齊故也二年冬楚人侵鄭 三年冬楚人伐鄭

五年秋楚人滅弦傳楚關穀於苑滅弦見穀於苑書人六年秋楚人圍許傳許

以救鄭見楚子書人十一年冬楚人伐黃 十二年夏楚人滅黃 十五年

春楚人伐徐 冬楚人敗徐于婁林 二十年冬楚人伐隨傳隨

二十二年冬十一月己巳朔宋公及楚人戰于泓宋師敗績傳

一月己巳朔宋公及楚人戰于泓宋師敗績公傷股門官負馬兩子

晨鄭文夫人莘氏勞楚子於門澤楚子使師歸示之俘馘丁丑

楚子入享于鄭二十三年五月宋襄公卒傷於泓故也傳見楚子君將稱人宋公身敗捕師二十三年秋楚人

伐陳傳楚成得臣二十五年秋楚人圍陳納頓子于頓傳楚令尹

師弗及遂圍陳納頓子于頓二十六年秋楚人滅夔以夔子歸傳楚成得臣

冬楚人伐宋圍緡傳楚令尹子玉同馬二十七年冬楚人陳侯

蔡侯鄭伯許男圍宋傳冬楚子及諸侯圍宋二十八年三月晉侯

使子玉去宋傳言楚子親圍宋而後入居于中以晉侯見子

諸侯上而稱人者楚子也陳蔡鄭許皆楚之屬而魯齊皆楚之

此義而九經書人而傳志可考其將為君為卿者皆楚之屬也



無所見也杜氏乃謂楚子取不得志以微者否則非不達也  
非左氏之意矣自楚見經至伐麇以前未有稱君大夫將者蓋皆以  
者告邪經稱楚人於諸侯上而傳言楚子君將攝人之法蓋列  
左氏學者必謂君臣不可同賤攝人其失在以此詳略為褒貶故也

二十八年春楚人救衛 夏四月己巳晉侯齊師宋師秦師及楚  
人戰于城濮楚師敗績傳夏四月戊辰晉侯宋公齊國歸父魯大  
子子悉次于城濮己巳晉師陳于莘北齊師  
次下軍之佐當陳蔡子玉以若敖之六卒將中軍子西將左軍二  
右陳蔡奔楚右師潰狐毛狐偃以上軍夾攻子西楚左師潰楚師  
有大夫將也

三年秋楚人圍江 四年秋楚人滅江 五年秋楚人滅六傳楚  
滅六  
公于堅公子龍及  
蔡耳鄭及楚平

以上楚君大夫將同稱者二十二楚自成王頹立始聘于魯稱  
荆人自僖元年伐鄭始稱楚人蓋初號楚也魯既通其好命同其  
會盟故史避其僭號假子爵以紀事而圍許雖君將稱人者世方  
有伯主以討其猾夏之罪則夫子并削其子爵明當一切正以王

法革其僞號不得從史氏隱避假借之文比中國君將稱君也既  
而圍陳納頓子滅夔伐宋圍緡而魯亦以楚師伐齊取穀楚申公  
叔侯成之楚子又合陳蔡鄭許之君以圍宋時曹衛皆已服于楚  
使非晉文之興則天下盡為楚矣故圍宋之役楚子雖主兵序諸  
侯上而去爵稱人者不使夷狄主諸侯與中國伯者同也晉伯中  
衰楚圖北方其君親將以伐鄭而猶不得稱爵者諸夏之心猶不  
忘晉則不使楚人一日得與中國抗衡也蓋楚既僭王則周之叛  
臣也吞滅諸夏則中國之賊也故春秋當中國有伯則楚君大夫  
將皆稱人明中國之大義以信桓文之志也

僖十九年冬會陳人蔡人楚人鄭人盟于齊 二十一年春宋人齊人  
楚人盟于鹿上 秋宋公楚子陳侯蔡侯鄭伯許男曹伯會于主  
宋公以伐宋

以上書楚人序陳蔡下盟者一序宋齊下盟者一書楚君序宋公

宋公以伐宋

以上書楚人序陳蔡下盟者一序宋齊下盟者一書楚君序宋公

宋公以伐宋

以上書楚人序陳蔡下盟者一序宋齊下盟者一書楚君序宋公



下陳蔡上會者一四國皆大夫楚亦以微者會故序陳蔡之下其志則未可知也蔡服楚已久陳蔡匹也楚固以屬國視之宋公雖序楚上卒執宋公以伐宋則夷狄之情見矣經於將兵稱人既變文以示義則盟會從其恒稱以見實也

**書**中國無伯則楚君將稱君略之而後稱人疑於討賊稱師

文十年冬楚子蔡侯次于厥貉傳陳侯鄭伯會楚子于息冬遂及蔡侯次于厥貉將以伐宋宋公游楚子勞且

道以日十一年春楚子伐麇陳氏曰楚初書君將也

宣元年秋楚子鄭人侵陳遂侵宋 二年春楚子伐陸渾之戎 四年

冬楚子伐鄭 九年冬楚子伐鄭 十年冬楚子伐鄭 十一年冬

十月楚人殺陳夏徵舒丁亥楚子入陳納公孫寧儀行父于陳 十

一年春楚子圍鄭 夏六月乙卯晉荀林父帥師及楚子戰于邲晉

師敗績 冬十二月戊寅楚子滅蕭 十二年夏楚子伐宋 十四

年秋楚子圍宋下

成十五年夏楚子伐鄭 十六年六月甲午晦晉侯及楚子鄭伯戰于

鄆陵楚子鄭師敗績 十八年夏楚子鄭伯伐宋宋魚石復入于彭

城

襄九年冬楚子伐鄭 十一年秋楚子鄭伯伐宋 二十四年夏楚子

伐吳 冬楚子蔡侯陳侯許男伐鄭 一十六年冬楚子蔡侯陳侯

伐鄭

昭四年秋七月楚子蔡侯陳侯許男頓子胡子沈子淮夷伐吳齊慶

封殺之遂滅賴 五年冬楚子蔡侯陳侯許男頓子沈子徐人越人

伐吳 十一年夏四月丁巳楚子虔誘蔡侯般殺之于甲 十二年

冬楚子伐徐 十六年春楚子誘我蠻子殺之

定十五年二月辛丑楚子滅胡以胡子豹歸

哀元年春楚子陳侯隨侯許男圍蔡

以上楚君將稱君者二十八晉靈不君趙盾非伯者之佐晉不足



以王夏盟故春秋於靈公之世盟會每略諸侯不序以明中國無伯而楚君將稱君於是始故次厥貉伐麇以後無役不稱爵而伐鄭伐吳稱爵主兵無異中國之伯者矣蓋中國有伯則春秋略之以正其名中國無伯則春秋詳之以著其實不正其名則不足以信攘却之義不著其實則不足以見夷狄之彊然泓之戰宋公稱爵而楚子稱人不使夷狄之君得抗中國諸侯也邲之戰楚子稱公身傷以卒而但書師敗績為中國諱也鄢陵之戰直書楚子敗績治其罪也然則雖書君將而與待中國諸侯伯主之法不可同年而語矣學者見左傳孟子戰國策皆有五伯之文而荀卿書以齊桓晉文楚莊吳闔廬越勾踐為五伯因欲退闔廬勾踐而進宋襄秦穆以當之據傳記齊國佐之言曰四土之上也樹德而濟同欲焉五伯之伯也勤而撫之以役王今以王伯對四王言與孟子

以五伯對三王言不異則杜氏謂夏伯昆吾商伯大彭豷周伯齊桓晉文者近之若夫楚莊吳闔廬越勾踐乃中國大義所當據却而所謂勤而撫之以役王命者於宋襄秦穆亦何取焉傳又言秦穆公遂伯西戎孟子亦言其用百里奚而伯此蓋循習流俗矜尚之辭如稱當時大國為萬乘之君相類皆因人所恒言而言之不可通於春秋至其論春秋之事唯曰齊桓晉文而已

文十六年秋楚人秦人巴人滅庸傳庸人帥群蠻以叛楚楚使廬戩

品秦人巴人從楚師群蠻從楚子盟遂滅庸

宣五年冬楚人伐鄭傳楚子伐鄭六年冬楚人伐鄭取成而還不書

以上楚君滅稱人者一自伐麇為楚書君將之始以後書君將皆

詳其吞噬中國之罪故凡有事於蠻夷皆略稱人伐鄭書人者一

去年冬楚子伐鄭不服至是又親伐故用一事再見例略之

昭八年冬十月壬午楚師滅陳執陳公子招放之于越殺陳孔戈楚



哀公傳楚公子棄疾帥師奉孫吳圍陳十一年傳楚王奉孫吳以討陳曰將定而國陳人聽命而逐之八年傳又言用穿封成十一年冬十一月丁酉楚師滅蔡執蔡世子有以歸用

以上楚君滅國書師者二據下言執言放言殺言葬言叔弓會楚

子于陳則上書師為楚子而非棄疾明矣下言執言以歸用之則

上書師為楚子而亦非棄疾矣傳記楚子在師事亦以明書師為

非棄疾也蓋此一事與入陳殺夏徵舒納公孫宣義行父相類而

楚虔懷惡挾詐吞滅二國與厥祖討賊存陳不同故皆變文稱師

以異之以其乘晉伯中衰而爭諸侯故得從恒稱以見實以其因

中國無伯而滅陳蔡故又變文以示義也

**廿八**楚君將稱君而後大夫將稱大夫略之則稱人

文十二年夏楚人圍巢傳楚令尹子孔執舒子平及宗子遂圍巢

宣三年夏楚人侵鄭 八年夏楚人滅舒傳楚

舒叛故伐舒蓼滅之楚子疆之及滑汭盟吳越而還 冬楚師伐陳

成二年冬楚師鄭師侵衛傳楚子重為陽橋之役以救齊曰君弱群臣不如此九大夫帥眾而後可乃悉師王卒盡行

彭名御戎蔡景公為左詩靈公為右冬楚師侵衛遂侵我師于鄆侵之又陽橋

以上楚大夫將稱人者二稱師者二楚未書大夫將也

成六年秋楚公子嬰齊帥師伐鄭 七年秋楚公子嬰齊帥師伐鄭

九年冬楚公子嬰齊帥師伐莒庚申莒潰楚人入鄆

襄元年秋楚公子壬夫帥師侵宋 三年春楚公子嬰齊帥師伐吳

五年冬楚公子貞帥師伐陳 七年冬楚公子貞帥師圍陳 八年

冬楚公子貞帥師伐鄭 十年夏楚公子貞鄭公孫輒帥師伐宋

冬楚公子貞帥師救鄭 十二年冬楚公子貞帥師侵宋 十四年

秋楚公子貞帥師伐吳 十八年冬楚公子午帥師伐鄭 二十五

年秋楚屈建帥師滅舒鳩

昭六年秋楚遠罷帥師伐吳 十一年夏楚公子棄疾帥師圍蔡



定十四年二月辛巳楚公子結陳公孫佗人帥師滅頓以頓子將歸  
哀十年冬楚公之結帥師伐陳 十三年夏楚公子申帥師伐陳

以上楚大夫將書大夫者十九公子舉齊莊王之弟字子重為令

尹共王幼始悉師救齊侵衛及魯蔡許之君乘王車為左右故但

書師於是會魯侯盟十一國于蜀四年中再伐鄭一伐莒入鄆而

晉遣鍾儀求成于楚蓋楚之征伐自大夫出由嬰齊始時子重為

司馬傳言二卿相惡鄆陵之敗共王引過而子重責子反死之至

伐吳覆師喪邑以心疾卒至夫字子辛代子重為令尹傳言公子

申為右司馬多受小國之賂以逼子重子辛見殺楚人討陳叛故

曰由令尹子辛實侵欲為乃殺之其柄臣專利相傾如此故楚不

競公子貞莊王子也字子囊代子辛為令尹而晉人懼與晉爭鄭

乞師于秦以伐宋伐晉而卒失鄭伐吳喪師還卒公子午莊王子

也字子庚代公子貞為令尹三年不出師曰吾以利社稷也鄭子

孔欲叛晉而起楚師以去諸大夫子庚弗許楚子欲伐鄭子庚請

先嘗之屈建字子木代遷子馮為令尹與晉趙孟相知為宋之盟

詐晉而駕馬以爭先故雖滅舒鳩書其帥師遠罷字子蕩公子圍

暴立而吞滅

第五子康王靈王之弟也使晉過鄭見鄭伯及諸大夫有禮皆知

其將為王滅陳蔡為蔡公因陳蔡之人以入楚既為王復陳蔡公

子結字子期公子申字子西皆昭王之兄也

成十七年冬楚人滅舒庸傳楚公子索師 十八年冬楚人侵宋

傳十一月楚子重救彭城伐宋晉侯帥師于

台谷以救宋遇楚師于藤角之谷楚師還

昭十七年冬楚人及吳戰于長岸傳楚令尹陽丐司

定二年秋楚人伐吳傳楚靈王伐 四年秋楚人圍蔡 冬十一月庚

午蔡侯以吳子及楚人戰于柏舉楚師敗績傳蔡侯吳子喜侯伐楚

十一月庚午二師陳于柏舉夫繁王以其屬五千

先擊子常之卒子常之卒奔楚師亂吳師大敗之



哀九年夏楚人伐陳

以上楚大夫將稱人者七蓋有微旨子重帥師書於經者詳矣後宋避晉侯而還故略之橐師囊瓦陽巧未嘗為中國寇患故有事變夷但書人圍蔡伐陳傳不言其人自昭而後唯楚君大夫將奪其恒稱治在夷狄也其嬰齊伐三入鄆一事再見稱人乃史例

**宣**十一年夏楚子陳侯鄭伯盟于辰陵

宣十一年夏楚子陳侯鄭伯盟于辰陵

成十一年十一月公會楚公子嬰齊于蜀 丙申公及楚人秦人宋人陳

人衛人鄭人齊人曹人邾人薛人鄆人盟于蜀

襄二十七年夏叔孫豹會晉趙武楚屈建蔡公孫歸生衛石惡陳孔魚

鄭良霄許人曹人于宋 秋七月辛巳豹及諸侯之大夫盟于宋

昭元年春叔孫豹會晉趙武楚公子圍齊國弱宋向戌衛齊惡陳公子

招蔡公孫歸生鄭罕虎許人曹人于號 四年夏楚子蔡侯陳侯鄭

伯許男徐子滕子頓子胡子沈子小邾子宋世子佐淮夷會于申

以上書楚子陳侯鄭伯盟者一公會楚臣而及諸侯大夫盟者一

內臣會晉楚南北之大夫盟者一會者一楚君專合南北諸侯者

一新城之後晉楚交爭陳鄭晉加兵於陳者二於鄭者四楚加兵

於陳者二於鄭者五陳侯鄭伯既與楚子為辰陵之盟而陳侯即

如晉鄭亦徵事于晉故楚子入陳明年圍鄭春秋書之以見中國

無伯之禍至於如此而陳鄭之暫屈於楚非其心也陳氏乃謂序

楚子於陳侯鄭伯之上初與楚以伯也則可謂反乎春秋之義矣

楚君在幼而嬰齊救齊侵衛以為蜀之盟楚師在境而公親會嬰

齊以及諸侯大夫盟諸侯大夫畏晉而竊與楚盟故外大夫而

不沒公會書嬰齊而盟稱人參譏之也九公與外大夫盟譏在內

則不諱公也趙武弭兵之言成於向戌遂以晉楚之從交相見而

楚人劫晉以先歆楚誠未離乎夷狄也公子圍讀誓書加之牲上



晉不復較蓋於是中國無伯矣而春秋書必先晉不以楚之疆而  
易華夷冠履之義也陳氏又謂此南北二伯也夫伯者以合諸侯  
攘夷狄尊王室為名義者也晉既以諸侯與楚而甘出其下則晉  
自知不能以伯矣楚無列於王室以并吞諸夏為雄何伯之有是  
又失伯者所以得名之實矣楚圍弑君竊國求諸侯於晉大國若  
齊秦以國如魯衛小國若曹邾皆不能致宋太子至而後則稟諸  
侯終未肯以事晉者而事楚也雖其臣舉六王二公之事其君欲  
用齊桓而椒舉已知其不濟宋鄭大夫亦幸其不能為晉患矣則  
雖侈然一時亦何能為哉春秋於楚君書爵終始志夷狄之疆而  
已後世學者乃以五伯之說亂春秋之旨可乎

荆始來聘稱人

莊二十三年夏荆人來聘

以上荆來聘書人者一荆之始聘未能成禮魯不廟受故不稱君

不言使然不可但言荆來聘故書人與前稱荆皆從史文也欲見  
筆削本末故列于此

楚臣來盟于師稱名氏不言使來獻捷言使不稱君必中國  
無伯而後來聘稱君使

僖四年夏楚屈完來盟于師盟于召陵

以上楚臣來盟不稱使者一齊桓伯功莫先於服楚春秋以楚能  
服義來盟故其臣始得以名氏書然齊國佐如師稱屈完不稱  
使何也使云者自敵以上之所命也變夷借王稱夏不可以敵  
之故削其君臣常辭不得比中國兵交使在其間者也

僖二十一年冬楚人使宜申來獻捷

以上楚臣來獻捷稱人使者一楚子既執宋公以伐宋欲致魯  
來會故使人獻捷以威脅之於是公會盟于濇釋宋公此夷夏之  
大變故存其來獻捷之文以見實而楚子之稱人不得比中國



伯主來獻戎捷者同稱君也

文九年冬楚子使椒來聘

襄三十年春王正月楚子使遠罷來聘

以上楚使來聘稱君使者二九來聘不月故楚子使椒來聘亦不月遠罷來聘獨月者晉至悼公每以聘報朝襄公屬朝楚而遠罷於以聘報朝若中國盟主故特月以別之見中國無伯魯雖諸志朝楚而楚終不得以盟主之禮行乎諸侯也傳謂此來聘為通君君非也諸侯新君好命未通則有通嗣君之禮楚亦安能以此交諸侯觀楚人使公親襚而止公送葬則其所以待諸侯者可見矣魯君以前年十一月如楚聞康王卒猶往朝其嗣君踰年四月送葬乃得歸又何通嗣君之有蓋楚人習聞晉悼公之事而為之與椒之來聘亦異矣

世楚君會而執中國諸侯不別言執之者

二十一年秋宋公楚子陳侯蔡侯鄭伯許男曹伯會于孟執宋公以

伐宋

以上楚君會而執諸侯者一九會執必別言執之者晉侯會諸侯同盟于戚晉侯執曹伯歸于京師此伯主討有罪之文也楚子諸侯准夷會于申楚人執徐子此夷狄相執之文也楚子詐宋公于會而執之以伐宋盟諸侯故削其楚人執之文蒙上文諸侯言之既非夷狄相執之比亦不使與中國盟主執諸侯同文也伐吳執齊慶封亦同

楚君殺中國之君書名其自相殺不名

二十一年夏四月丁巳楚子虔誘蔡侯殺之于申十六年春楚子誘我蠻子殺之

以上楚君誘殺中國之君一既名蔡侯以謹其終又名楚子以正其罪以夷狄殺中國之君故詳之也楚君誘殺我君者一皆不名



以夷狄自相殺則略之也是故一日一不日

**四** 諱夷狄執王臣變執言伐諱夷狄獲中國之君變獲言必

三十年冬我伐凡伯于楚丘以歸

三十年秋九月荆敗蔡師于莘以蔡侯獻舞歸

以上我執王臣言伐者一公羊傳曰執之也其言伐之不與夷狄

之執中國也據獲麟後有書執其君者則史書我執王臣必無隱

避於是夫子改書伐為中國諱也荆獲蔡侯言以歸者一公羊傳

曰獲也不言其獲不與夷狄之獲中國也是亦諱辭又按此戰也

不言戰而言敗者穀梁傳曰夷狄中國不言戰也二傳此類必有

所受蓋既獲言以歸則不得復言戰也

**五** 吳征伐恒舉號唯為中國討罪得稱君

成七年春吳伐鄭 秋吳入州來

襄二十五年十二月吳子遏伐楚門于巢卒

昭十三年冬吳滅州來 十七年冬楚人及吳戰于長岸傳楚令尹陽

二十三年秋七月戊辰吳敗頓胡沈蔡陳許之師于雞父胡子髡

沈子逞滅獲陳夏留傳吳子以罪人三千先祀胡沈與 二十四年

冬吳滅巢 三十年冬十二月吳滅徐徐子章羽奔楚傳吳子執鍾

三十二年夏吳伐越

定四年冬十一月庚午蔡侯以吳子及楚人戰于柏舉楚師敗績 庚

辰吳入郢

哀六年春吳伐陳 八年春吳伐我傳吳伐我王舍于 十年春公會

吳伐齊傳公會 冬吳救陳 十一年五月公會吳伐齊傳公會吳

甲戌齊國書帥師及吳戰于艾陵齊師敗績獲齊國書

以上吳伐四伐我一公會伐二戰三敗一入二滅三救一皆以號

舉君臣同辭雖我君會伐亦舉號而已過伐楚從卒例唯柏舉之

戰為中國復讎討罪故得稱爵而書蔡侯以之其戰與入又皆書



日以別於夷狄自相戰與入者亦夷狄而中國則中國之義也  
楚爲中國患有自來矣而始終受其荼毒者唯蔡爲最城濮之役  
蔡貞子曰漢陽諸姬楚實盡之思小惠而忘大恥不如戰也吳人  
亦謂隨人曰周之子孫在漢川者楚實盡之天誘其衷致罰於楚  
而君又寡之周室何罪然自齊桓晉文之盛而不能加兵於其國  
都雖劉文公合十八國之師于召陵而不能一問其罪卒之據中  
國神人之積憤者吳也是以聖人特詳焉戰言吳子而入舉號者  
一役再有事則從其恒稱也雖然此一役也滅國可興文武之境  
土可復惜乎吳無君臣不足以居其功而晉衰已甚劉老既卒無  
能起而收之者春秋徒致意焉而已爾

**卷六** 中國會而會吳恒舉號雖吾君大夫特會之舉號必以諸侯  
之禮接而後稱君

成十五年冬十一月叔孫僑如會晉士燮齊高無咎宋華元衛孫林父

鄭公子魋邾人會吳于鍾離

襄五年夏仲孫蔑衛孫林父會吳于善道 秋公會晉侯宋公陳侯衛  
侯鄭伯曹伯莒子邾子滕子薛伯齊世子光吳人鄆人于戚 十年  
春公會晉侯宋公衛侯曹伯莒子邾子滕子薛伯杞伯小邾子齊世  
子光會吳于柎 十四年春王正月季孫宿叔老會晉士匄齊人宋  
人衛人鄭公孫萬曹人莒人邾人滕人杞人小邾人會吳于向  
哀六年夏叔還會吳于柎 七年夏公會吳于郟 十二年夏公會吳  
于橐臯 十三年夏公會晉侯及吳子于黃池

以上內大夫會諸侯大夫又會吳者二魯衛大夫會吳者一公會  
諸侯有吳人者一公會諸侯又會吳者一內臣特會者一公特會  
者二會晉侯及吳子者一凡稱吳皆其君夷狄舉號之例也吳雖  
秦伯仲雍之後武王所封然居夷僭號不可以中國諸侯之禮接  
故諸國自爲會而後會之史文未得比楚君稱子與諸侯序也稱



人者其大夫以外臣禮序齊世子下則不殊也祖之會傳曰會吳子壽夢也則會向爲諸樊哀公之會皆夫差也鄆之會吳人曰魯宰魯大夫過十吳王百牢不亦可乎說苑載晏子使吳行人曰天子請見晏子儼然者三曰臣受命弊邑之君將使於吳王之所不佞而迷惑入于天子之朝敢問吳王惡乎存然後吳王曰夫差請見見以諸侯之禮其禮文不典皆此類也故凡大夫之會不月而鍾離與向特月以異之黃池兩主之會故得稱爵傳言秋七月辛丑盟吳晉爭先吳人曰於周室我爲長晉人曰於姬姓我爲伯乃先晉人吳人將以公見晉侯子服景伯對使者曰執事以伯召諸侯而以侯終之甚矣至是始竊侯伯之禮以會諸侯而魯史亦假子爵以記其事也外傳載夫差言周室卑約貢獻莫入晉晉衆庶不式諸戎狄楚秦以力征一二兄弟之國晉令董褐對曰君掩王東海以淫名聞天子君有短垣而自踰之况蠻荆則何有於周室

夫命圭有命固曰吳伯不曰吳王君若無與天子而干其不祥而曰吳公孤敢不順從吳王許諾乃退就墓而會吳公先歆晉侯亞之其言先歆與左氏不同載書降稱吳公也或然也戚之會吳晉嘗盟矣不書黃池復盟亦不書者陳氏曰晉諱也吳晉之盟春秋終諱之不以吳晉同主盟也蓋自晉厲公始通吳於上國而悼公尤汲汲於會吳皆欲以吳撓楚魯昭遠也但魯吳亦由晉衰欲倚以敵齊楚也而皆不稽其終是時魯賦於吳八百乘邾賦於吳六百乘徵百牢藩衛侯之舍囚子服景伯長史安窮是故春秋於吳晉之盟終諱之然吳入越不書而再書越入吳固知吳之將爲沼矣

越舉號從其恒稱

昭五年冬楚子蔡侯陳侯許男頓子沈子徐人越人伐吳  
定五年夏於越入吳十四年五月於越敗吳子檇李吳子光卒



哀十三年夏於越入吳

以上越人從楚伐一敗一入二於越勾吳皆蠻夷之號也然春秋書吳者以武王嘗封之則吳其國名也越之先禹之苗裔始封於會稽曰於越者以其自號舉之不書越者非其封國也傳曰越大夫常壽過師師會楚子干瑣則伐吳稱人者常壽過也九夷從中國序列則稱人以便文若邢人狄人伐衛感之會稱吳人是也故便文則曰越人復其恒稱則曰於越陳氏謂常壽過得稱人若進之者誤矣定十四年傳言吳伐越越子勾踐御之陳子檇李患吳之整是皆陳也而不書戰哀十三年傳記六月丙子越子伐吳乙酉戰丙戌復戰大敗吳師獲天子友王孫彌庸壽於姚丁亥入吳而經不書爵不書戰入又不書月與吳入郢特異者越與吳世相讎則以夷狄自相攻之法治之而已自晉通吳以撓楚而楚卒覆於吳楚亦連越以伐吳而吳屢覆於越然外傳記范蠡之言曰

吾先君固周室之不成子也濱於東海之陂龜鼉之與處而龜鼉之與渚余雖醜然而人面哉吾猶禽獸也則越之所以彊於蠻夷者可知矣

**廿八** 徐見敗伐國皆以號舉國滅則書君奔而名之

僖三年夏徐人取舒 十五年冬楚人敗徐于婁林

文七年冬徐伐莒

以上書徐人一敗徐一徐伐一敗不言師侵伐舉號皆夷狄恒辭然經書徐取舒得稱人者自公會宋人齊人伐徐徐已事齊以其即諸夏而取國於蠻夷故得稱人齊桓卒徐復通楚以其從夷狄而伐中國故復其恒稱蓋舒乃楚之微屬而莒世從晉內外之義辯矣然當徐服齊時見敗于楚亦不得稱師者徐之為夷久矣亦可以類革也史記言徐出柏翳與秦同祖然三監流言時一叛伯禽撫封時再叛費誓稱徐戎則非中國諸侯比矣徐偃王事史記



後漢書皆言在周穆王時既為天子所伐走死失國民氣上弱若  
如初而駒王復疆然後漢書云楚文王滅之蓋本楚辭荆文悟而  
徐三事與春秋經傳皆不合蓋其先強借不異且楚東周後始微  
弱也檀弓記邾考公之喪徐君使容居來弔欲用諸侯相於禮親  
舍有司拒之容居對曰昔我先君駒王西討濟於河無所不用斯  
言也徐滅於吳楚僅存之至是已再世而蠻夷僭竊之制猶未能  
盡革則齊桓之時雖來即諸夏未容一切以中國諸侯之禮治也  
昭三十年冬十二月吳滅徐徐子章羽奔楚

以上國滅君奔稱名者一春秋國滅君奔未有書名者而徐子獨  
名以奔楚也徐暫事齊後世仍服於楚申之會徐子在列楚人以  
其吳出也執之乾谿之役又圍之以懼吳則徐蓋兩事且楚卒以  
違吳人執云公子之命見滅於吳雖楚為出師救之無及也楚為  
中國患天將假手於吳以覆之而徐猶惓惓於楚以取滅亡則其

世服蠻夷之效也故因其奔楚特書名以異之明不得與弒子溫  
子國滅於夷狄而君奔中國者比也徐雖以號舉然其先本古之  
建國嘗服事于周是以聖人猶詳之若晉滅陸渾渾子奔楚則  
不復書進不得齒於諸夏退不忍終棄諸蠻夷此春秋治在夷狄  
之權衡也



圖書

朝陽書局

老舍全集卷三

十一



程